



Chevron bantu wanita tambah pendapatan



Chevron dan Yayasan MyKasih melancarkan program 'Caltex Sew4Life' ke arah memperkasa wanita dengan kemahiran jahitan bagi kestabilan kewangan dan berdikari.

Kuala Lumpur: Chevron Malaysia Limited (Chevron) yang mengendalikan jenama Caltex, melancarkan program mapan kemahiran diri untuk penerima bantuan Yayasan MyKasih di Lembah Klang.

Program komuniti dikenali sebagai 'Caltex Sew4Life' dilancarkan pada 10 Mei lalu selama lima bulan ke arah memperkasa wanita di Lembah Subang dengan kemahiran baru bagi kestabilan kewangan dan berdikari.

Bengkel termasuk jahitan baju tradisional, manik, *smocking* dan *quilt*. Program itu dijalankan

dengan kerjasama pertubuhan bukan kerajaan (NGO) dan beberapa perniagaan kecil.

Caltex Sew4Life terdiri daripada ibu berpendapatan rendah sama ada pencari nafkah tunggal untuk keluarga atau mempunyai tanggungan ramai.

Pengerusi Negeri Chevron Malaysia Limited, Jeremy Oh, berkata menerusi bantuan dan kepakaran Yayasan MyKasih, Chevron mampu menyediakan program bagi menyediakan kemahiran untuk wanita.

Katanya, graduan bagi program itu akan turut membantu membi-

na ruang untuk orang lain meraih kemahiran ke arah memecahkan kepompong kemiskinan bagi jangka panjang.

"Graduan ini akan menyalurkan semula keuntungan jualan kepada Yayasan MyKasih dalam tempoh dipersetujui untuk dana pelajar pada masa depan selain bertindak sebagai mentor," katanya.

Pengasas Bersama dan Pengerusi Yayasan MyKasih, Dr Ngau Boon Keat, berkata pihaknya mencari rakan untuk menyokong usaha dan meningkatkan kesejahteraan golongan kurang bernasib baik.